

Platt partu:

Rundbreef 2025-08

Regensummer

Op't Finstersüll, dor seten Flegen,
man nich in düssen Regensummer.
De Regen is twoors fleten Segen,
man hüüt flütt to veel Segen rummer.

Moinmoin, leve plattdütsche Maten un Frünnen!

As dat [Kalennerblatt vun Hildegard Tölke](#) rutkeem, weer't noch warme Sünnschien, man in mien Vers düüdt sik dat Weder al an, un nu hebbt wi dat. Nich mal de Perseiden kannst kieken, de jüst över'n Heven suust — muttst di mit de [Schöönheit vun de Galaxien](#) tröösten. Naja, beter as en Dürresommer is't. Un uns [Natuur-Notizbook is liekers vull](#) mit ünnerscheedlichst Natuurbeobachten, as sik dat för'n Sommer höört; [poor lastige Fleigen giff dat](#) liekers Regen noch, un Billa Frerich [giff nich op un fiert en Grillfest](#). Nee, ganz so slecht is dat Weder nich; [op de Feller diegt de Ackerbohn](#), un Meike Balzer-Fraun kennt glieks twee [Planten, de Annabelle heet](#) — beid sünd allerleevst. Heel veniensich dorgegen [is dat Mudderkooen](#), dat Behrend Böckmann in en lütt dreedelig Reeg beschrift. [Deel 2 is ok al dor](#).

Entspannt, as de Sommer is, hebbt wi poor Vertellsels an Bord. Claus Günther vertellt [launig vun talentlose Heimwarkers](#), avers ok eernt vun [Hitler in Hamborg](#). Henning Eggers smitt en [Blick op verleden Tieden un dat, wat'n sachs "Kulturwannel"](#) nöömt. Meike Balzer-Frauns lütte Reeg över de Fruuns vun de Brundörper Fierwehr geiht mit [Hilde](#) un [Gesine](#) wieder. Un bi de Märken hebbt wi glieks twee; dat een vertellt vun de [grote Wäsch, as se fröher weer](#), un dat anner is wohrafftig [en Märken över Märken](#).

De [Tiedlööp](#) to verfolgen, dor harr ik bloots Tied för, as de [Stroompriesdebatte leep](#). Allens anner is düssen Maand an uns Chronisten Behrend Böckmann hangen bleven. He nimmt [de pickverfolgte SPD](#) liekso op't Kooen as [Merz sien Föhrer-Ambischonen](#); bi [Subvenschoonsbedrug mit Zegen](#) mööt wi ehrder seggen, he nimmt em op de Höörn. Ach ja, un [sogor de Sexiest Man Alive is en Fru](#)! — Wo blifft de Meinungsveelfalt, seggt Se? Ha! Denn schickt Se doch sülven Bidrääg in! Schrievt Se uns, wat Se to seggen hebbt!

Wat ik baven schreev, is nich ganz wöhr. As Emmanuel Macron sien Verdikt rutkeem, de Länner schulln för sorgen, dat se förcht warrt, dor güng mi dochen de Hoot hooch, un ik heff wat schreven, [wat ehrder en Andacht wöörn is](#). Is mi avers eernt.

Un dormit is de Julimaand ok al wedder vörbi, nee ok, de Tied huscht man so weg!
Geneet Se den Sommer, leve Maten un Frünnen, un wenn wi uns wedderleest, is al
Septembermaand!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Dei lüchten Galaxie](#). Bild-Gedicht van Ludgerd Lüske (6.7.)

Mit Biller dör dat Johr 2025: [Julimaand](#). Biller van Hildegard Tölke, Verse van Marlou Lessing (1.7.)

De Welt un Gott:

[Veer Brundörper Fruens vertelt van fröher — Deel 4: Gesine](#). Van Meike Balzer-Fraun (26.7.)

[Lastig Fleigen](#). Van Behrend Böckmann (26.7.)

["Löppt sik allens trecht!"](#) Van Claus Günther (19.7.)

[Förcht sik nich!](#) Van Marlou Lessing (14.7.)

[Wat hett uns de Tied bröcht?](#) Van Henning Eggers (13.7.)

["Smuck, Fiete! Hest du dat mookt?"](#) Van Claus Günther (12.7.)

[Veer Brundörper Fruens vertelt van fröher — Deel 3: Hilde](#). Van Meike Balzer-Fraun (6.7.)

Natuur un Wetenschap:

[Mudderkuurn](#). Van Behrend Böckmann (26.7.)

[Sommertiet mit Annabelle. Twee lütte Leevesgeschichten](#) van Meike Balzer-Fraun (6.7.)

[En Bohn mit Geschichte un Tokumst](#). Van Marlou Lessing (6.7.)

In't [aktuelle Natuur-Notizbook](#):

[Wokeen weer dat?](#) Van Meike Balzer-Fraun (27.7.)

[Blots 'n poor Wuddeln oder "En Wuddelpoor"?](#) Van Meike Balzer-Fraun (26.7.)

[Sommerfleder blöht](#). Van Marlou Lessing (20.7.)

[Dat ward seggt: "Ruum is in de lüerlütt Hütt!"](#) Van Berthold Cordes (12.7.)

[Hallo Kippunkt!](#) Van Marlou Lessing (7.7.)

[Hecheln un Lüften](#). Van Jasmin Apcin (1.7.)

Wat in de Welt vörgeiht:

[Sexiest Man Alive](#). Van Behrend Böckmann (29.7.)

[Dei Buern von Hellas](#). Van Behrend Böckmann (18.7.)

[Europaföhrer Merz](#). Van Behrend Böckmann (13.7.)

[Dei SPD un dat Pech mit Manifeste](#). Van Behrend Böckmann (2.7.)

In't [plattdüütsche Notizbook](#) vun Marlou Lessing:

[De AfD seggt \(nich\) danke.](#) (4.7.)

För Kinner:

[Modder Sünn ehr Kinner: De Wäsch.](#) Märken vun Sophie Reinheimer, överdragen
vun Klaus-Dieter Tüxen (10.7.)

[Modder Sünn ehr Kinner: Märkens Reis.](#) Märken vun Sophie Reinheimer, överdragen
vun Klaus-Dieter Tüxen (4.7.)

Platt to Hand:

[Grillen.](#) Vun Sibilla Frerich (19.7.)

Hartlich grööt

Marlou Lessing un dat lütte Plattpartu-Team